

Lwa nan Massachusetts sou Salè ak Lè Travay

Salè minimòm lan se
\$15.00



Kontak pou Kesyon Jistis nan Travay

(617) 727-3465

Nimewo TTY pou moun ki pa
tande byen: (617) 727-4765



www.mass.gov/ago/fairlabor



Biwo Avoka Jeneral
Andrea Joy Campbell

Afichaj nan Kote moun Travay: Lwa nan Eta a oblige tout kote moun travay pou yo afiche anons sa a nan yon kote moun kapab li anons lan fasil. M.G.L. Chapit 151, Seksyon 16; 454 C.M.R. 27.01(1)

M.G.L. Chapit 149, Seksyon 148C

Salè Minimòm

M.G.L. Chapit 151, Seksyon 1, 2, 2A, ak 7

Apati de premye janvye 2023, salè minimòm nan Massachusetts se \$15 pa lè. Nan Massachusetts, tout moun k ap travay konsidere tankou anplwaye. Salè minimòm lan aplikab pou tout anplwaye, sòf:

- travayè agrikòl (salè minimòm se \$8.00 pou chak èdtan "travay pou pifò nan travayè agrikòl yo),
- mamm nan yon lòd relije,
- travayè k ap pran fòmasyon nan kèk oganizasyon "edikatif, ki p ap travay pou fè pwofit, oswa òganizasyon "relijye, ak
- ajan komèsyal ki travay deyò.

Poubwa

M.G.L. Chapit 149, Seksyon 152A; M.G.L. Chapit 151, Seksyon 7

Apati de premye janvye 2023, tarif sèvis nan Massachusetts se \$6.75 pa lè. "Tarif pou sèvis" alè a aplikab pou travayè ki fè sèvis pou kliyan, epi ki touche plis pase \$20 chak mwa kòm poubwa.

Mwayèn poubwa yo pou yon èdtan, plis tarif sèvis pou chak èdtan yo peye travayè a, dwe bay yon total ki rive.

Poubwa mwayèn èdtan yo, plis pousantaj sèvis èdtan an, totalize omwen salè minimòm lan pou chak pòs.

Anplwayè, pwopriyetè ak anplwaye ki gen responsabilite kòm yon manadjè oswa sipèvèzè nenpòt jou pa janm dwe pran okenn nan poubwa ou yo.

Yo ka òganize poubwa kolektif pou moun k ap sèvi kliyan, pou moun k ap sèvi nan ba, ak pou lòt anplwaye nan sèvis.

Lè Siplementè

M.G.L. Chapit 151, Seksyon 1A ak 1B

Anjenneral, anplwaye ki travay plis pase 40 èdtan pandan yon semenn dwe touche pou lè siplementè. Peman pou lè siplementè a omwen 1.5 fwa tarif sèvis regilye a pou chak èdtan yon anplwaye travay ki depase 40 èdtan nan yon semenn.

Pou kèk anplwaye ki touche sa yo rele "tarif pou sèvis" (service rate), peman pou lè siplmenatè a se 1.5 fwa salè minimòm lan, ki pa tarif pou sèvis la.

Eksepsyon: Dapre lwa nan Eta a, gen kèk kategori travay ak kèk kote moun travay ki gen eksepsyon sou lè siplementè. Pou wè yon lis ki gen tout eksepsyon pou lè siplementè yo, ale nan adrèss www.mass.gov/ago/fairlabor oswa rele Sèvis pou Kondisyon Travay Ekitab nan biwo Komisè Gouvènman an nan nimewo (617) 727-3465.

Peman Salè

M.G.L. Chapit 149, Seksyon 148; 454 C.M.R. 27.02

Lalwa di kile, kisa, ak kouman pou yo peye anplwaye yo. Peman yon anplwaye (oubyen salè) genyen ladan peman pou tout tan li travay, ansam ak poubwa, tan vaksen peye, jou fèt yo dwe peye li, ak komisyón li gen dwa touche dapre kondisyon kliè k pa pase.

Anplwaye ki travay pou touche alè dwe resevwa peman yo chak semenn oswa chak 2 semenn (kenzèn). Dènye limit pou peye a, se 6 oubyen 7 jou apre peryòd pou peman an fini, dapre kantite jou anplwaye a te travay pandan yon semenn nan kalandriye.

Si yon anplwaye bay demisyon l, yo dwe peye l tout lajan li nan jou nòmal pou peman ki vini apre a, oubyen anvan premye samdi ki vini apre dat li bay demisyon li a pase (si pa gen jou nòmal pou peman ki tabli). Si yon anplwaye revoke oswa lisansye, yo dwe peye l tout lajan li nan dènye jou li travay la.

Enfòmasyon ki sou Fich Peman

M.G.L. Chapit 149, Seksyon 148

Tout anplwaye dwe resevwa yon rapò gratis, ki montre konbyen yo touche, ansam ak non kote yo travay la, non anplwaye a, dat peman an (mwa, jou, ak lane), kantite èdtan yo travay pandan peryòd peman an kouvrir, konbyen yo touche alè, ak tout dediksyon oswa ogmantasyon ki fèt pandan peryòd yo travay la.

Dediksyon sou Peman

M.G.L. Chapit 149, Seksyon 148; 454 C.M.R. 27.05

Patwon an pa dwe retire lajan sou yon anplwaye sòf si lalwa pèmèt sa (tankou taks sou salè pou Eta a ak pou gouvènman federal), oubyen si anplwaye a mande pou dediksyon an fèt nan pwòp entèr li (tankou mete lajan nan kont epay anplwaye a nan labank).

Yon patwon pa gen dwa retire lajan nan peman yon anplwaye pou kouvrir depans ödinè pou biznis li (tankou: founiti, materyèl, oswa zouti ki nesèsè pou travay anplwaye a). Si yon patwon mande yon anplwaye achète oswa lwe infòm travay li, patwon an dwe remèt anplwaye a lajan li depanse pou sa.

Lalwa mete limit tou, sou kile ak konbyen lajan yon patwon kapab retire nan peman yon anplwaye pou lojman ak manje patwon an fè bay anplwaye a.

Èdtan Travay

454 C.M.R. 27.02

Èdtan travay, oswa "tan travay" li, genyen ladan tout tan anplwaye a dwe pase pou travay nan konpayi an oswa nan lòt kote, epi tan li travay anvan oubyen apre lè travay nòmal li, pou pèmèt li fin fè travay la.

Tan Repo pou Manje

M.G.L. Chapit 149, Seksyon 100, ak 101

Nan pifò ka yo, anplwaye ki travay plis pase 6 èdtan dwe genyen yon peryòd repo 30 minit pou manje. Pandan tan repo sa a, yon anplwaye pa dwe gen okenn travay yo ba li fè, epi li dwe gen dwa soti nan kote li travay la. Si patwon an mande, epi anplwaye a dakò, pou rete nan kote li travay la pandan tan repo pou manje a, anplwaye a dwe touche pou tan sa a.

Dosye pou Peman

M.G.L. Chapit 151, Seksyon 15

Dosye pou peman yo dwe genyen ladan yo non, adrèss, ki travay/wòl anplwaye a, ansam ak kantite lajan li touche pou chak peryòd travay, ak kantite lè li travay (chak jou ak chak semenn).

Patwon an dwe kenbe dosye pou peman yo pandan 3zan. Yon anplwaye gen dwa gade pwòp dosye peman li, nan yon tan ak yon kote rezonnable.

Anplwaye ki Gen Mwens pase 18 an – Travay Timoun

Tout kote ki gen anplwaye nan Massachusetts dwe swiv lwa Eta a, ak lwa federal, sou anplwaye ki gen mwens pase 18 an (minè). Lwa sa yo di kile, ki kote, ak pandan konbyen tan minè yo mèt travay. Yo di tou ki kalite travay ak ki kalite responsabilite minè yo PA dwe pran.

Otorizasyon Travay ki Obligatwa - Pifò nan moun k ap travay san yo pako gen 18 an dwe genyen yon otorizasyon travay. Patwon yo dwe kenbe otorizasyon travay anplwaye minè yo nan yon dosye nan kote yo travay la. Pou resevwa yon otorizasyon travay, yon minè dwe fè aplikasyon devan direktes jeneral distrik eskolè kote li rete oswa kote li ale lekòl la. Pou plis enfòmasyon sou jan pou jwenn yon otorizasyon travay, kontakte Depatman sou Kondisyon Travay (Department of Labor Standards) la nan nimewo (617) 626-6975, oswa ale nan adrèss www.mass.gov/dols.

Travay ki Gen Danje ak Travay Minè pa Dwe Fè

Laj	Travay li Pa Dwe Fè
16 ak 17	<ul style="list-style-type: none">Kondui pifò veiykil oubyen charyo elevateTravay ki mande pou anplwaye a genyen oubyen sèvi avèk yon zamafeSèvi avèk, oswa netwaye, oswa ranje kèk nan machin ki mache avèk motè yo
14 ak 15	<ul style="list-style-type: none">Travay nan konjelatè oswa refrigeratè pou vyannFè okenn travay patisiTravay nan oubyen toupre izin, chantye konstriksyon, atelye mannfakti, kote ki gen zouti mekannik, garaj, tinèl, oswa lòt kote pou travay ki gen danje
Mwens pase 14 an	<ul style="list-style-type: none">Minè ki gen mwens pase 14 an pa dwe travay nan pifò kote moun travay nan Massachusetts.

Sa yo se sèlman kèk egzanp sou travay lwa Eta a ak lwa federal yo defann fè. Pou yon lis konplè sou travay minè pa gen dwa fè, kontakte Sèvis pou Kondisyon Travay Ekitab nan biwo Komisè Gouvènman an (Attorney General's Fair Labor Division): (617) 727-3465 • www.mass.gov/ago/youthemployment. Oswa kontakte Depatman Travay Etazini (U.S. Department of Labor): (617) 624-6700 • www.youth.dol.gov

Restriksyon sou Lè ak Orè pou Minè

Laj	Yo pa Dwe Travay	Okenn tan ki:
16 ak 17	<p>Nan nwit, ant 10zè diswa ak 6zè dimaten (oswa apre 10:15 diswa, si anplwaye a sispanni sèvi kliyan depi li 10 p.m.)</p> <p>Eksepsyon: Nan awè k pa gen lekòl pou ale demen, li ka travay jiska 11:30 diswa oubyen jiska minwi, si l ap travay nan yon restoran oswa yon estadyom kote yo fè kous cheval.</p>	<ul style="list-style-type: none">Plis pase 9 èdtan pa jouPlis pase 48 èdtan pa semennPlis pase 6 jou pa semenn
14 ak 15	Nan nwit , ant 7è diswa ak 7è dimaten. Eksepsyon: Pandan sezon ete (1ye jiye jiska Fèt Travay [Labor Day]), li ka travay jiska 9è diswa.	<p>Lè lekòl pa louvri:</p> <ul style="list-style-type: none">Plis pase 8 èdtan nan nenpòt ki jou lekòlPlis pase 40 èdtan pa semennPlis pase 6 jou pa semenn

*Eksepsyon: Nan yon karyè lekòl li apwouye oswa nan yon travay ki pral ba li eksperians, yon elèv kapab gen pèmisyon pou travay pandan lè lekòl, jiska 23 èdtan pou yon semenn.

Dwe Gen yon Moun Majè k ap Sipèvize apre 8 è diswa - Apre 8 è diswa, tout minè yo dwe genyen yon moun majè k ap sipèvize yo dirèkteman; moun sa a dwe nan menm kote minè a ap travay la, epi yo dwe kapab jwenn li fasil. Eksepsyon: Sipèvizon yon moun majè pa nesesè pou minè k ap travay nan yon pavion kote li vann jounal, oswa dèyè yon kontwa kote anpli moun ap pase, nan yon zòn ki louvri pou publik la, si se anndan yon sant komèsyal ki gen sèvis sekirite depi 8 è diswa joutkant sant lan fèmen.